



BOXA PER GIEUS E DIALOGS

**CURTURELLA ED OBJECTS
D'INTERACZIUN CUN E PER
UFFANTS E GIUVENILS**



Kanton Graubünden
Chantun Grischun
Cantone dei Grigioni

Boxa per gieus e dialogs



Discurs e temps da spetga pon vegnir concepids en moda favuraivla per uffants e per giuvenils. Persunas spezialisadas cun experientscha che lavuran en lur mintgadi cun uffants e cun giuvenils, han sviluppa la descripziun d'in chanaster d'interacziun per locals favuraivels per uffants e per giuvenils. Questa descripziun cuntegna infurmaziuns per manar in discurs ed ina cussegliaziun, opziuns per passentar temps da spetga e recumandaziuns, per ch'i gartegia d'entrar en contact cun uffants e cun giuvenils.

Il maletg è vegnì generad cun intelligenza artificiala. Els gidan da visualisar ils elements ed èn in exempel co concepir locals adattads per uffants e giuventetgna.

1 Elements dal chanaster d'interacziun

Material da disegnar

Uffants e giuvenils pon s'occupar a moda creativa durant il temp da spetga. Quai cun palpiri alv u da color ubain cun dar color maletgs e mandalas. Ils disegns u maletgs fatgs pon s'entender vegnir utilisads per entrar en contact cun els. Sch'ins penda si tals disegns, vesan ils uffants che auters uffants da la medema vegliadetgna frequentan il post da servetsch. Quai als dat in sentiment da segirezza. Malegiar u disegnar cuminaivlamain durant in discurs u durant ina pausa procura per in'atmosfera pli luca e faciltescha il discurs.

Gieus

Gieus d'inschign, da concentrasiun e da reflexiun sco in labirint da cullinas serrà, ina tur ballucanta u cumbinellas èn ina buna occupaziun per uffants e giuvenils, durant ch'els ston spetgar. Quests gieus pretendan lur concentrasiun e lur atenziun e pon distrair da sentiments dischagreabels u vegnir utilisads per ina pausa dal discurs.

Chascha cun blocs da giugar

Cun blocs da giugar, crappa da color u sets da construir pon ils uffants construir, mantunar ed ordinar. Quai captivescha lur atenziun, sveglia lur fantasia e distira. Las construcziuns pon servir sco basa per cumenzar il discurs. Durant in discurs poi er vegnir costruì comunablamain. Sch'els uffants tegnan enta maun p.ex. blocs da construir, pon els sa schlucar pli facilmain.

Figuras da giu

Uffants fan termagls cun figuras da materia sintetica, cun animals u poppas da maun e da detta. Cun talas figuras pon els preschentar ed imitar en moda ludica situaziuns, conflicts u emoziuns. Las figuras promovan plinavant d'entrar en contact e d'interagir cun ils uffants.

Engiavineras

Durant ils temps da spetga sa fatschentan tsherts uffants e giuvenils gugent cun chartas da quiz, gieus d'engiavinar u cudeschs cun engiavineras sco er cun chartas da collecziunar actualas. In quiz davart il post da servetsch gida ils giuvenils a metter la situaziun en in context. Cun in code QR po il quiz per exempel vegnir fatg sin il telefonin.

Savida ed istorgias

Cudeschs e revistas davart savida ed istorgia pon esser in agid, per ch'els temps da spetga dals uffants e dals giuvenils daventian pli interessants. Latiers tutgan per exempel magazins per giuvnas scuvridras e scuvriders, cudeschs tematics per uffants e giuventetgna cun ubain senza support digital per la lectura interactiva sco era cudeschs orientads a las resursas.

Cudeschs che tematiseschan malsognas psichicas dals geniturs, traumas u emoziuns, recumandain nus da guardar ensemen cun ina persuna spezialisada. Quests cudeschs vegnan tegnids en salv en la stanza da seduta. Quests cudeschs pon esser in agid, per che tut ils participants e las participantas dal discurs possian sviluppar ina chapientscha cuminaivla ubain ch'els possian descriver meglier tshertas situaziuns ed experientschas.

Cun agid da quadrels cun differents maletgs sin mintga vart sviluppeschan ils uffants e giuvenils istorgias tar quests maletgs.

Ils uffants e giuvenils sviluppan istorgias davart ils maletgs ch'els han tratg. Ils quadrels porschan in impuls da reflectar e sveglian la fantasia ed er la creativitat. Ins po giugar sulet cun ils quadrels u en pitschnas gruppas.

En il sector da spetga datti cudeschs en tut las linguas chantunales, per differents interess e per differentas vegliadetgnas.

Reducir stress

Ballas antistress, squishies, fidget spinners u giugarets da pop it han in effect quietant e promovon la concentraziun. Ils giugarets duessan esser quiets u dal tuttafatg senza canera. Uregliers cun musica calmanta sustegnan la reduenziun da stress.

Emoziuns

Chartas da sentiments u da dumondas sco er barometers dal stadi d'anìem èn pussaivladads per entrar en contact cun uffants e giuvenils e per als emprender d'enconuscher. Cun chartas da sentiments mussan uffants e giuvenils, co ch'els sa sentan il mument. Las chartas als sustegnan er, per pudair discurren da situaziuns u sentiments passads. In barometer dal stadi d'anìem gida ad enconuscher la situaziun ed ad adattar il cumenzament dal discurs correspondentamain. Quests objects vegnan tegnids en salv en la stanza da seduta. Avant il discurs reflectescha la persuna spezialisada, tge object che va il pli bain a prà e cun tge dumondas ch'ella pudess cumenzar il discurs.

Pitschens regals

Suenter il discurs pon ins surdar pitschens regals resp. give aways sco regurdientscha e sco colliaziun positiva cun il post da servetsch. Il pitschen regal duai ir a prà cun il tema dal discurs e betg esser in artigel da reclama.



2 Pretensiun als materials

Ils objects en il chanaster d'interacziun èn autoexplicativs, simpels d'utilisar, robusts e simpels da nettegiar. Ils gieus pon ins giugar fitg bain er sulet.

Ils objects en il chanaster d'interacziun porschan pussaivladads da giugar tranter 3 e 30 minutas, stimuleschan ils senns e promovon la creativitat. Els sustegnan il contact tranter las persunas en il sector da spetga sco er tranter ils uffants resp. ils giuvenils e las persunas spezialisadas.

La selecziun dals objects resguarda la diversitad areguard la schlattaina, la cultura e la vegliadetgna.

Sco chanasters d'interacziun pon ins duvra chaschas, chistas u chanasters. Els èn plazzads en il sector da spetga ubain libramain ubain en curunas bassas avertas. La furma, la grondezza e la qualitat van a prà cun la pussaivladad da deposit respectiva. Spezialmain robusts èn chaschas, chistas u chanasters da materials natirals durabels e persistents sco rattan, cregn vegetal, salesch, fibras da bananers u bambus. Chaschas transparentas faciliteschan la selecziun dals objects.

Il chanaster d'interacziun cuntegna in dumber survesaivel d'objects che pon vegnir remplazzads. Els objects na cuntegnan nagins tocs pitschens, quai per evitar perditas e per ch'ins possa svelto far urden.

Il chanaster d'interacziun po vegnir concepì en lavur da team. Ina grupp da lavur fixescha, quants chanasters d'interacziun ch'i dovra, tge objects che duain star a disposiziun en il sector da spetga e tgenins en la stanza da seduta, tge objects ch'èn cuntegnids e co che quels duain vegnir utilisads sco er da tge material che las chaschas èn e nua ch'ellas vegnan plazzadas.

Ina persuna è responsabla per tgirar e controllar il chanaster. Ella nettegia il chanaster d'interacziun, remplazza objects ruts e baratta regularmain ils objects, per ch'il chanaster restia interessant. Sch'i vegnan mess a disposiziun plirs chanasters d'interacziun per discurs che han lieu a medem temp, vegni recumandà da far patratgs davart in sistem d'emprest adattà (p.ex. sistem cun clippers u etichettas cun nums).

Impressum



Editor — Chantun Grischun

Autura — Uffizi dal servetsch social dal Grischun

Download — www.gr.ch/localsfavuraivelsperuffantsepergiuvenils

Gruppa directiva dal program Politica d'uffants e da giuvenils en il chantun Grischun

- Susanna Gadiant, presidi, manadra da l'Uffizi dal servetsch social
- Simon Bott, secretari general dal Departament d'educaziun, cultura e protecziun da l'ambient
- Marcus Hassler, secretari general dal Departament d'economia publica e fatgs socials
- Beat Hatz, manader dal sector spezial Famiglias, uffants e giuvenils, Uffizi dal servetsch social
- Hans Peter Risch, secretari general dal Departament da justia, segirezza e sanadad

Team central dal program Politica d'uffants e da giuvenils en il chantun Grischun

- Beat Hatz, presidi, manader dal sector spezial Famiglias, uffants e giuvenils, Uffizi dal servetsch social
- Adriana Sabatino, collavuratura scientifica, Uffizi dal servetsch social
- Denise Rudin, manadra da la partiziun Promoziun da la sanadad e prevenziun, Uffizi da sanadad
- Georges Steffen, manader dal Servetsch psicologic da scola, Uffizi per la scola populara ed il sport

Participantas e participants dal lavuratori d'elavuraziun specific

- Astrid Schroeder, lavurera sociala da scola
- Corina Bislin, post spezialisà Famiglias da tgira ed adopziuns
- Martina Hellmüller, direenziun professiunala Educaziun prescolara pedagogic-curativa
- Ursina Casanova, terapeuta da psicomotorica
- Wiebke Schwing, manadra dal post spezialisà jugend.gr

Direenziun dal project

- Martina Nay, collavuratura scientifica, Uffizi dal servetsch social

Svilup ed accompagnament spezialisà

- Andreas Dubach, NAHTur Lebensräume

Lectorat — TextKonzept, Heidi Leemann

Maletgs IA — AI Coaching Klehr, Bernd Klehr

Layout — Trimarca AG

Remartgas

La descrienziun dal chanaster d'interacziun pon ins er consultar en lingua tudestga e taliana.

